

## Transkription von Stadtbucheintrag OSL 1501a

Ort, Datierung: Oschersleben, 1501-??-??

Signatur: Stadtarchiv Oschersleben, A I 7, STB 10r+v

Inhalt: Urfehde zwischen Hans Rolewes und Oschersleben

---

Nah der borth Cristi vnser her(e)n<sup>1</sup> xv hunderth jar / vnnd(e) j jar heft hans rolewes eyne rechte / vnnd veste orfayde geloüeth vnnd gesworen / vnser g(nedigen) h(eren) vann magdeb(o)r(ch) vnnd(e) halb(e)r(stad) siner / gnadenn Cappittel hinr(ik) vann(e) velthem to sinem / gelde dem rade to Osscher(sleuen) vnnd allenn / den vann Osschersleue der gescheffte nu(m)mer<sup>2</sup> mher vp tho theynden myth wordenn Edder warkenn / hee Efte jema(n)t vann siner wegenn vnnd dar / vor heft hee to borghen sath hinr(ik) schomeker tho / hademersleue Symon kreygen Tile schütten hinr(ik) / dreýger dath duth boüen geschreüen stede vnnd / vast geholdenn werdenn schal /

Na<sup>3</sup> der borth Cristi vnser heren(n) dusent vnd(e) / xcviij is ge scheyn van hans smede hefft / orfeyde gedan vnd(e) gesworen(n) vnser g(nedigen) / h(eren) van(n) magdeburch vnd(e) halb(e)r(stad) siner gnad(en) / Capittel vn(de) den(e) vann(e) weltem(e) dem(e) rade / van(n) ossch(er)sleue vnde der gantz(e) gemeyne(n) / vor meck vnd(e) vor alle myne frunde vnd(e) frundes / frunde noch jeman(n)t van(n) myne(r) wege(n) der sake / nu(m)mer to dencken(n) edder wes dar v(m)me to / donden(n) edder to denken(n) edder de sake / wedder vp to thende(n) nü effte in<sup>4</sup> thokome(n) // tiden(n) myt worden(n) edder myt werken(n) hey/melich edder openbar vnd(e) dar tho / hefft he to borge(n) sath<sup>5</sup> heni(n)gh hinr(ik) / mathies wonafftich to helmestidde bor/gen(n) wo (et) alle to saghe /

---

<sup>1</sup> über der Zeile eingefügt

<sup>2</sup> Verschreibung ? = Bogenstrich zuviel

<sup>3</sup> andere Hand

<sup>4</sup> andere Lesart: an

<sup>5</sup> Verschreibung ?